

ENCUENTRO

ANJA 12, NO.1

MEI 2009

CATHARINA KROZENDIJK: EM- PLEADO DI AÑA 2008

Dia 15 di Mei a bira conoci ta ken a gana e prestigioso titulo di Empleado di Aña 2008 di VHA. E biaha aki e premio a bai pa Catharina Krozendijk di departamento di administratie. Catharina ta un persona bon conoci den compania cu mas di 30 aña di servicio y cu ta traha incansablemente pa progreso di VHA. Su trabou ta ensera haci pagonan na otro compania y varios cos mas. Loke tur hende ta reconozc den Catharina ta un persona cu stima su trabou, semper ta cla pa yuda y ta masha dedica. E premio a bin di sorpresa como cu e no tabata sa di a keda nomina pa su departamento. E otro nominadonan tabata Eveline Solognier pa VTA, Marietje

Antonette pa handverkoop y Daisy Faro pa receptuur. Pabien na Catharina pa e titulo aki y tambe na e nominadonan cu a resalta den nan mesun departamento. Encuentro kier a felicita tambe Nella Wouters di BCM, kende a keda eligi como empleado di ultimo cuartal di 2008 □



RACHA DI LADRONICIA TA AFECTA COMPANIA

Den e ultimo tres lunanan cu a pasa, nos compania a sufri daño causa pa kiebros y ladronicia por lo menos cinco biaha. Tanto VTA como BOD y BCE a bira victima y esaki ta trece hopi problema cu ne. Den temponan dificil semper ladronicia ta lanta cabez y p'esey ta importante pa tur empleado sea mas atento y vigilante den nos tiendanan. Raporta cualkier movicion sospechoso na bo manager pa asina purba evita mas ladronicia. Ladronan ta studia un tienda bon prome nan kibra dreña. Corda cu preveni ta mihor cu lamenta □

UN TIKI DI TUR COS

- *Encuentro ta yama bon bini na Sra. Dalila Trinidad-Monte, Financial Controller nobo na VHA.*
- *Pabien ta bai pa Kavita Oemrawsingh di BOD cu nacimento di su baby girl..*
- *Visser Pharmacy a despedi di Steffen Sniijders cu tabata traha como driver y awor a bai traha na aeropuerto.*
- *Visser Holding a despedi di Ravi Daryanani kende tabata financial controller pa un tempo corto y a bai biba bek na Curacao.*
- *Pabien na e empleadonan di varios botica cu a bai e presentacion di Hartmann presenta pa Annemarie di VTA.*
- *Dutch Quarter Pharmacy na SXM tin un number di telefoon nobo: 00-599-542-1980.*

A BASHA WAREHOUSE DI SAN LUCAS ABOU

Despues cu pa hopi aña no tabata haci uso mas di e warehouse situa patras di Botica San Lucas, e decision a ser tuma pa basha esaki abou. Ta trata aki di un edificio hopi biew cu antes tabata ser usa como lugar pa yena

kruiden y varios otro uso. Vandalismo a causa cu hopi di e glasnan di e edificio tabata kibra y cement tambe tabata bin abou. Pa seguridad di un y tur, a dicidi di basha e edificio abou y laga e tereno bashi □



E potret ta ilustra con a keda solamente un tereno bashi.

GANADORNAN DI CAMPAÑA DI DIA DI MAMA

Our Vision:

To be the best service oriented healthcare provider, creating innovative wellness solutions for tomorrow with talented, caring people.

Dia 14 di Mei a tuma lugar entrega di premio na e ganadornan di e campaña di Dia di Mama di Visser Pharmacy. E evento aki a tuma lugar den un ambiente ameno na Botica Oduber. Ganadornan di un gift basket na valor di 100 florin a resulta: Cynara Richardson, Rochene Dirksz, Marisol Demey, Marlushka Scheper, Cecilia Frans, Alcira Zambrano y Nancy 't Mannetje. E di tercer premio cu tabata un spa treatment na Mena's Skincare a bai

pa Josleny Chiquito. E segundo premio cu tabata un cena pa dos na Chef's Tables Restaurant a bai pa Sra. Roanna Wernet. E prome premio, un weekend stay na Renaissance Resort, a bai pa Sra. Inelda Jimenez Duran. □



MARINA MADURO TA BAHAMA MAS PESO

Durante temporada di Cuaresma, coleganan di VHA y VTA a organisa nan mesun weightloss challenge pa e temporada. Tur a pone placa den pot cu e meta cu esun cu logra baha mas peso lo bai cu ne.

Marina Maduro di VTA a gana, bahando 5 kilo, pabien !



BO TABATA SA???

E biaha aki Encuentro ta presenta algun tips con pa proteha bo cas contra ladronnan cu ta hopi activo ultimamente:

1. Instala locknan di calidad ariba tur porta cu ta habri pa pafor di cas. Esaki ta ensera locknan cu no por kibra cu un skop of worde habri cu un screwdriver.
2. Si bo tin sliding door, pone un pida palo den e rail di e porta pa e no por habri.
3. Zorg pa tur bentana por lock y tambe hinca un pida palo den e rail pa nan no por habri.
4. Conoce bo bisinanan. Hunto boso por yuda otro defende boso propiedad, specialmente ora uno bai afor cu vakantie.
5. Percura pa suficiente luz paden y rond di cas. Pone nan ariba un timer ora bo no t'ey y usa un luz cu motion sensor pa patras di cas.
6. Considera instala un sistema di alarma.
7. Considera un safe box pa cas.
8. Identifica tur bo pertenencianan via potret y serial number. Nota esakinan y warda nan bon □

HOLDING GROUP

VISSER HOLDING ARUBA N.V.

Italiestraat 24
Oranjestad, Aruba

Tel: 583-5212
Fax: 583-8290
info@visserpharma.com
www.visserholding.com



Conoce bo coleganan...

Dalila Trinidad-Monte ta Financiar Controllor nobo na VHA. E tin 27 aña di experiencia trahando como adviseur na varios accountantskantoor, pero awor a tuma e challenge

pa mira e otro banda di medaya. Awor e ta mira tur cos di banda di e compania mes y mester implementa su ideanan. Dalila tin 20 aña casa y tin un yiu homber di 19 aña. Su hobbynan ta cushina y entretene amistadnan. Recientemente Dalila a cuminsa cana tambe pa salud. Su prome impresion di e compania ta cu esaki ta uno grandi cu tin hopi cos pa haci, pero ta sigur di lo por aporta na e desaroyo di e compania y ta spera di por conta cu apoyo di tur su coleganan □

ANUNCIO

Un pabien ta bai na tur e coleganan cu ta cumpli aña den e lunanan di Mei y Juni

Nan ta:

5/3 Geraldo Milton, BCM
5/11 Eveline Solognier, VTA
5/11 Kathleen Hunt, BCE
5/12 Jean Wever, BTR
5/17 Herman Verhoef, BOD
5/18 Lisette Chung, VHA
5/25 Carmen Kock, BCM
5/25 Caroline Feliciano, VHA
6/7 Rishi Ajodhia, BOD

6/11 Angela Rivera, BKH
6/13 Linda Wernet, BOD
6/20 Patricio Hughes, BSL
6/23 Gladys Maduro, VHA
6/24 Deta Tromp, BCE
6/26 Mildred Kock, BCE
6/27 Anne Marie vd Berg, VTA
6/27 Shantelle de Cuba, BTR

Idea? Pregunta? Comentario?

info@visserpharma.com